

Date – 07/05/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Larsap, General (Retd) Vijay Kumar Singh an vawiin khan Kelsiha Tribal Reserch Institute leh Ropuiliani Tribal Freedom Fighters Museum a tlawh.
2. HIV/AIDS avanga fahrah naupangte puala hun hman thin, World Aids Orphan Day chu vawiin khan Aizawlah Gan Sabra buatsaihin hman a ni.
3. Union Minister of State for Petroleum & Natural Gas and Tourism Pu Suresh Gopi an vawiin khan Kolasib a tlawh.
4. Vawiin hi Operation Sindoor champha vawi 1-na a ni a, Prime Minister Narendra Modi leh ram hruaitu dang ten ram tana thawktu sipaite zahna hlan .

<><><>

GOVERNOR

Larsap, General (Retd) Vijay Kumar Singh-an vawiin khan Ministry of Tribal Affairs hnuai sak Tribal Reserch Institute (TRI) leh Ropuiliani Tribal Freedom Fighters Museum (RTFFM), Kelsiha hnathawh mekte a tlawh a,

Larsap chuan hnam ziarang, nunphung leh tihdante ngaihhluta vawnhim a pawimawh takzet thu sawiin, Tribal Reserch Institute leh Ropuiliani Tribal Freedom Fighters Museum-te chu tangkai taka hman tura siam a tul thu a sawi a. Khualzin, zirlai leh zirbingmite tana tlawh man hla ni tura thil tha duang turin line department-te a chah a. Tribal hnam ziarang leh Mizo chanchinte awmze nei taka pholan a nih theih nan hun bituk siama hawnfel hma ngeia a nih dan tur dik tak a nih thei nana theihtawp chhuah turin a chah bawk a ni.

<><><>

AMC

Aizawl Mayor Pu H.Lalremtlunga'n an Manifesto behchhanin hmalak hmasak tur an zirchiang dawn a, bultan thar tur an nih angin engkim tharlam taka kalpui an tum dawn a ti.

Aizawl Mayor chuan AMC chu kum 15 a kal chhungin hruaitu hmasate theihtawp chhuahna hnuai hna tam tak thawh niin, an thlen chin pawh hmuh theihin a awm a ti a, ennawn leh siamthat ngai tam tak a awm rualin, a tha sa rin nawn tur pawh a awm a ti a, chung chu officer te nen en hovin hmalak an tum a ti.

Tun atanga reiloteah thutkhawm pawimawh kovin, mipuite hnena an manifesto semchhuah te zirchiangin ngaihpawimawh hmasak tur te an en dawn a ti a, bultan thar tur an nih angin engkim tharlam taka kalpui an tum dawn tih a sawi a ni.

Aizawl Municipal Corporation (AMC) Corporator atana thlan tharte hi vawiin khan Thuampui Venga AMC Office, BoC Meeting Hall ah Aizawl DC Pu Lalhriatpuia'n rinawmna thu tiamtirin a lalut a.

Corporator 19 te lakluh zawh hian Mayor leh Deputy Mayor te thlan an ni a. Aizawl Mayor tura thlan Pu H. Lalremtuanga (Ward-VI) leh, Deputy Mayor tura thlan Pi R. Lalawmpuii (Ward-XVI) te bakah Executive Corporator pali- NI. Christina Roluahpuii Sailo (Ward-VIII), Pu Vanlalhruaia (Ward-XIII), Pu Vanlalfaka (Ward-II1), Pu K. Lalrodinga (Ward-XVIII) te chu rinawmna thutiam tira lakluh nghal an ni.

AMC corporator lakluh inkhawmah hian Chief Minister Pu Lalduhoma, Home Minister Pu K. Sapdanga leh Speaker Pu Lalbiakzama te bakah Minister leh MLA dangte an tel a ni.

<><><>

MZP

Mizo Zirlai Pawl (MZP)-in Mizoram sorkar chu tun thla May ni 14 ral hma ngeiin sorkar hnathawk pension tawh a rawih nawmna order sut turin an ngen.

Vawiina Aizawl Press Club-a thuthar thehdarhtute an kawmnaah MZP President Dr. C. Lalremruata chuan Mizo Zirlai Pawl General Headquarters Executive Committee vawi 652-na vawiina thukhawm chuan, Mizoram sawrkar hnuaia hnathawk pension tawh tunhnaia rawih nawn chungchang chu ngun takin a ngaihtuah a, tunhma atangin MZP chuan pensioner rawih nawn chu nasa taka dodalin, duh lohna a lo lantir tawh thin a, tuna pensioner chungchangah pawh hian MZP ngaihdan a la ngai reng a ti a. MZP chuan sawrkar hnathawk ruai nawn lo tura thuneitute an ngen reng lai a, sawrkarin a ruai nawn chu Mizoram mipuite leh thalai hna zawng mekte zah lohna leh hmusitnaah an ngai tih sawiin, Pension rawih nawmna order chu karleh Ningani, May Ni 14 ral hma ngeia sut turin Mizoram sawrkar thuneitute an ngen tih a sawi a ni.

MZP President chuan MZP chuan Sawrkar hnathawk pension rawih nawn fo thin chu tunhma atangin tha a tih loh thu a au chhuahpui bakah bang tura nawr pawh a lo nei tawh thin tih sawiin, chutiang thil thlen ngailo tur chuan thuneitute pawh a tul anga hma la turin an ngen nawn leh a ti a. Sawrkar hnathawkte chu an hnathawk hun chhunga thahnemngai taka thawk turin an ngen a, an pension hnuaah erawh thalai hna zawng mekte kian turin an duh takzet tih a sawi a ni.

<><><>

WORLD AIDS ORPHAN DAY

HIV/AIDS avanga fahrah naupangte puala hun hman thin, World Aids Orphan Day chu vawiin khan I&PR Auditorium ah Gan Sabra buatsaihin hman a ni a, Mizoram State Commission for Protection of Child Rights, Chairperson Pu Jimmy Laltnanmawia chuan he hun hi a hmanpui.

Khuallian chuan thusawiin naupangte rilru, taksa leh ngaihtuahna te a nihna tura ang taka an than lenna tur atan chhungkaw tha an mamawh a, naupang tam takin harsatna leh chhan dang tamtak avangin an dawn loh thu sawiin, heng harsatna tawk naupangte, an mamawh leh chanvo chang theilo mi tamtak te chu Gan Sabra in an hmalakna in an chanvo diktak pe turin an pen chhuak thin a ti a, Mizoram State Commission for Protection Child Rights din chhan chu naupangten an dikna chanvo an chan theihnan a din a ni a ti.

Vawiin hun hmana-ah hian pawl 10 pass mi pa 7 leh pawl 12 pass mi 10 hnenah chawimawina hlan a ni.

Gan Sabra hi kum 2006 khan Pi Lucy Remruati Chhangte din a ni a, Gan Sabra ah hian naupang/ Fahrah HIV/ Aids avanga harsatna tawk te enkawlina hmun a ni a, tunah hian naupang 300 vel enkawlin chhawmdawl hna a thawk mek a ni. Gan Sabra bul tanna chu Jericho khualbuk a ruihhlo leh thildang avanga hmeichhiate enkawlina a rawngbawl tura a in volunteer atanga intan a nih thu Pi Lucy Remruati a sawi a, engmah neilo a bul tanin naupang mahni ina hawna tur nei lo te tana din a ni a ti a, Gan Sabra chu mihring zat ah an buai loh thu sawiin mihring pa 1 pawimawih zia an hria a, Pathian kahruaina in kum 2006 atang kum 2026 chhung hian naupang engemaw zat Home ah an lo enkawl a, adoption a lak pawh hi mi 20 chuang an awm tawh thu a sawi bawk.



UNION MOS

Union Minister of State for Petroleum & Natural Gas and Tourism Pu Suresh Gopi an vawiin khan Kolasib a tlawh a. DC Conference Hall, Kolasib-ah district chhunga sawrkar department hrang hranga hotute a kawm.

Union Minister chuan ram hmasawna tura chhiarpui (Census) neih pawimawh zia sawiin, Chhiarpui chu mipuite dinhmun leh nihna dik tak hriatchianna a nih avangin, ram hmasawna tura sawrkar ruahmanna siam nan a pawimawh em em a ni, a ti.

Mizoramin inkalpawhna tha zawk, a bikin rel kawng tha tak a nei chho mek chu lawmawm a tih thu a sawi a. Kawlphethaa intodelh turin hydro-electric project tam zawk neih theih dan ngaihtuah a pawimawh thu a tarlang bawk.

Zirna lam pawimawhna tarlangin Minister chuan, Kendriya Vidyalaya (KV) neih a pawimawh zia a sawi a. Mizoram pumah KV pakhat chauh a awm chu pawl a tih thu sawiin, KV a tam zel theih nan MP te hnena thlen nise a ti a. Hmeichhiate zirna chuan ram hmasawnaah kawngro a sut thui thu sawiin, nursing lamah te pawh tam zawka an kal theih nana hmalak a pawimawh a ni, a ti.

DC Conference Hall-a hun an hman zawh hian Union Minister Pu Suresh Gopi hian Bukvannei-a Oil Palm Processing Mill chu a hmunah a tlawh a, hetah hian oil palm chingtute nen inkawmkhawmna an nei nghal a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



OPERATION SINDOOR

Vawiin hi Operation Sindoor champha vawi 1-na a ni a, Prime Minister Narendra Modi an ram tana thawktu sipaite zahna hlan in, chawimawina leh sipaite zahna lantirnan Social Media a Display picture a thlak a, ram mipuite pawh social media hmang zawng zawng te chu zawm ve turin a ngen a ni. Thlalak hi Background dum niin, operation sindoor tih ziak ani a, a chungah national flag a chuang bawh a ni.

President Droupadi Murmu pawhin Operation Sindoor chu India in firfiakte a hneh na ni pawimawh tak anih thu tarlang in, social media a Pahalgam a pawikhawina rapthlak tak thleng chungchang pawh tarlangin, India vau tumtute chuan India chu ram chak leh inpumkhat tlat ani tih an hriatnawn a ngai a ti.

Indian Armed Forces chuan Operation Sindoor chuan a thiltum te hlawhtling takin a hlenchhuak tih sawiin, Army, Navy, Air Force te inkar ah thawhhona thatak a siam thu a sawi a, Jaipur a Combines Commanders Conference ah Joint pressconference buatsaih niin, he beihpuithlak kum 1 tlin lawmna atan hman a ni. Thutharlakawmtute hma ah thusawiin Lieutenant General Rajiv Ghai chuan India ram venhimna hmanrua zaa 65 chuang chu ram leilung fate siamechhuah a nih thu tarlangin, hei hi India chu ram venhimna kawng ah pawh a that tawh zia a tarlang ani a ti.



AIR 90 YEARS WALKATHON

All India Radio kum 90 tlin lawmna pualin naktuk zingkarah AIR Aizawl chuan Walkathon a huaihawt dawn a, AIR Station Tuikhuahtlang atanga Millennium Centre thleng ke a kal a ni ang.

All India Radio kum 90 tlin lawmna pual hian AIR Aizawl chuan hun pawimawh hrang hrang buatsaihin a khuh hawn nan Lamp Lighting bakah 90 Years Musical Concert te a buatsaih a, Walkathon hi Aizawl mai nilo District dangah pawh buatsaih ani dawn a ni.

All India Radio Aizawl Director leh Mizoram Cluster Head Pu DR Lalropuia chuan AIR Aizawl in Walkathon buatsaih tur chu All India Radio kum 90 tlin lawmna pual anih thu sawiin AIR Aizawl-a thawk mek leh thawh tawh zawng zawngte tel vek turin a sawm a ni.

All India Radio hi June 8, 1936-ah din niin, New Delhi-ah Headquarters a awm a; AIR Aizawl hi India ram puma AIR Station 230 zinga pakhat niin, AIR kum 90 tlin pual hian AIR Aizawl chuan a lawmnapui ber hi June ni 8, 2026 khian Vanapa Hall-ah Chief Minister Pu Lalduhoma hovin an hmang dawn a ni.



